

480 Den heiden het er dort erslagen;
 den sul ouch wir ze mâze klagen.
 dô uns der künece kom sô bleich
 unt im sîn kraft gar gesweich,
 5 in die wunden greif eines arztes hant,
 unz er des spers isen vant
 – der trunzûn was rœrîn –
 ein teil in der wunden sîn;
 diu gewan der arzât beidiu wider.
 10 mîne venje viel ich nider.
 dâ lobt ich der gotes kraft,
 daz ich deheine rîterschaft
 getæte nimer mære,
 daz got durch sîn ère
 15 mînem bruoder hülfe von der nôt.
 ich verswuor ouch vleisch, wîn unt brôt
 unt dar nâch aldaz trüege bluot,
 daz ichs nimmer mêr gewünne muot.
 daz was der diet ander klage,
 20 lieber neve, als ich dir sage,
 daz ich schiet von dem swerte mîn.
 si sprâchen: ›wer sol schirmære sîn
 über des Grâles tougen?‹
 dô weinden liehtiu ougen.
 25 si truogen den künece sunder twâl
 durch die gotes helfe vür den Grâl.
 dô der künece den Grâl gesach,
 daz was sîn ander ungemach,
 daz er niht sterben mohte,
 30 wand im sterben dô niht tohte,

suln wir ou. (om. I) ze *G (nur G) suln wir hie (wir [*]: öch V) ze *T

kr. sô gar g. (chraft gesweich O), *G (ohne L) (V)

unzer daz sperisen v. *T (nur T)

dâ gelobtich ([*]: lobete ich V) der g. kr., *T

h. ûzer ([*]: vz der V) nôt. *T (O L)

ouch om. *T O L

n. swaz ([*]: als daz V) tr. *T (O)

daz ichs (ichz T) niemer gewinne ([g*]: mer gewünne V) m. *T

*D: D *m: m *G: G (ohne 480.24) I O L Z *T: T V

1 Initiale D G I O L Z · Majuskel T 3 Initiale m T V 10 Majuskel T 17 Initiale I 25 Initiale T

2 ouch] om. *m 3 sô] zuo *m 4 gar] sô gar *m 5 in die] inde D 9 arzât] Arlt D · beidiu] om. *m 15 mînen bruoder hülfe ûzer nôt. *m 16 verswuor] verswürere *m 18 daz ichs nimer gewinne muot. *m 19 der diet] des volkes ([*]: dez volkes V) *m (V) 24 weinden] weiden D 26 die] om. *m I O 27 gesach] ersach *m L